



Broj: 16-03-02-3-394- /19
Istočno Sarajevo, 04.04.2019. godine

Na osnovu člana 24. Zakona o ministarstvima i drugim organima uprave Bosne i Hercegovine („Službeni glasnik BiH“, br. 5/03, 42/03, 26/04, 42/04, 45/06, 88/07, 35/09, 59/09, 103/09, 87/12, 6/13, 19/16 i 83/17) i člana 11. Odluke o godišnjem planiranju rada i načinu praćenja i izvještavanja o radu u institucijama Bosne i Hercegovine („Službeni glasnik BiH“, broj 94/14), Državna agencija za istrage i zaštitu p o d n o s i

**IZVJEŠTAJ O RADU
DRŽAVNE AGENCIJE ZA ISTRAGE I ZAŠTITU ZA 2018. GODINU**

Istočno Sarajevo, april 2019. godine

SADRŽAJ

I – UVOD.....	3
II – IZVJEŠTAJ O PROVOĐENJU AKCIONOG PLANA PREDVIĐENOG GODIŠNJIM PROGRAMOM RADA DRŽAVNE AGENCIJE ZA ISTRAGE I ZAŠTITU ZA 2018. GODINU	10
III – IZVJEŠTAJ O IZRAĐENIM ZAKONIMA PLANIRANIM GODIŠNJIM PROGRAMOM RADA DRŽAVNE AGENCIJE ZA ISTRAGE I ZAŠTITU ZA 2018. GODINU	14
IV – IZVJEŠTAJ O IZRAĐENIM PODZAKONSKIM AKTIMA PLANIRANIM GODIŠNJIM PROGRAMOM RADA DRŽAVNE AGENCIJE ZA ISTRAGE I ZAŠTITU ZA 2018. GODINU	15
V – IZVJEŠTAJ O IZRAĐENIM MEĐUNARODNIM UGOVORIMA PLANIRANIM GODIŠNJIM PROGRAMOM RADA DRŽAVNE AGENCIJE ZA I ZAŠTITU ZA 2018. GODINU.....	16
VI – IZVJEŠTAJ O REALIZACIJI JAVNIH INVESTICIJA PLANIRANIH GODIŠNJIM PROGRAMOM RADA DRŽAVNE AGENCIJE ZA ISTRAGE I ZAŠTITU ZA 2018. GODINU	17
VII – IZVJEŠTAJ O PROVEDENIM KONSULTACIJAMA KOD IZRADE IZVJEŠTAJA O RADU.....	17

I - UVOD

Program rada Državne agencije za istrage i zaštitu (u daljem tekstu: Agencija) za 2018. godinu urađen je u skladu sa Odlukom o godišnjem planiranju rada i načinu praćenja i izvještavanja o radu u institucijama Bosne i Hercegovine („Službeni glasnik BiH“, broj 94/14) i Uputstvom o načinu pripreme godišnjeg programa rada i izvještaja o radu u institucijama Bosne i Hercegovine („Službeni glasnik BiH“, br. 45/15 i 64/18) i predstavlja operacionalizaciju Srednjoročnog plana Agencije za period 2018-2020. godine.

Prioriteti rada Agencije u 2018. godini definirani su, prije svega, zakonskim propisima koji se odnose na nadležnosti Agencije, Srednjoročnim planom Agencije 2017-2019. godine i obavezama koje proističu iz Akcionog plana Vijeća ministara Bosne i Hercegovine za provođenje Reformske agende.

Zakonom o Državnoj agenciji za istrage i zaštitu („Službeni glasnik BiH“, br. 27/04, 63/04, 35/05, 49/09 i 40/12) propisana je nadležnost Agencije, i to:

1. sprečavanje, otkrivanje i istraga krivičnih djela iz nadležnosti Suda Bosne i Hercegovine, a posebno: organiziranog kriminala, terorizma, ratnih zločina, trgovine ljudima i drugih krivičnih djela protiv čovječnosti i vrijednosti zaštićenih međunarodnim pravom, te teškog finansijskog kriminala;
2. prikupljanje obavještenja i podataka o krivičnim djelima iz nadležnosti Suda Bosne i Hercegovine, te praćenje i analiza sigurnosne situacije i pojava koje pogoduju nastanku i razvoju kriminala;
3. pružanje pomoći Sudu i Tužilaštvu Bosne i Hercegovine u prikupljanju obavještenja, te izvršavanje naloga Suda i glavnog tužioca Bosne i Hercegovine;
4. zaštita svjedoka;
5. provođenje međunarodnih sporazuma o policijskoj saradnji i drugih međunarodnih instrumenata u njenoj nadležnosti;
6. kriminalistička ekspertiza;
7. ostali poslovi propisani zakonom i drugim propisom.

Agencija je u 2018. godini radila na ukupno 2106 predmeta koji su se odnosili na otkrivanje i istraživanje krivičnih djela iz nadležnosti Suda BiH, od čega je 727 okončano ili 35%. Od ukupnog broja predmeta, 1050 predmeta je bilo istražnih, od čega je 319 okončano ili 30%, dok je obavještajnih predmeta bilo 1056, od čega je 408 okončano ili 39%.

U 2018. godini Agencija je nadležnim tužilaštvima u BiH podnijela ukupno 101 izvještaj o postojanju osnova sumnje o počinjenom krivičnom djelu protiv ukupno 299 osoba (279 fizičkih osoba, 16 pravnih osoba i četiri NN osobe) i 16 dopuna izvještaja protiv ukupno 80 osoba (60 fizičkih osoba i 20 pravnih osoba).

Posmatrajući po prioritetima proklamovanim u Programu rada Agencije za 2018. godinu, rezultati rada su sljedeći:

1. Terorizam i krivična djela koja se mogu dovesti u vezu s terorizmom:

- rađeno na 30 predmeta od kojih je sedam okončano ili 23%;
- nadležnim tužilaštvima podneseno deset izvještaja o postojanju osnova sumnje o počinjenom krivičnom djelu protiv 13 fizičkih osoba i jedna dopuna izvještaja protiv jedne osobe;
- prijavljeno 19 krivičnih djela terorizma i krivičnih djela koja se mogu dovesti u vezu sa terorizmom;

2. Finansijski kriminal i korupcija:

- rađeno na 168 predmeta od kojih je 90 okončano ili 54%;
- nadležnim tužilaštvima podneseno 19 izvještaja o postojanju osnova sumnje o počinjenom krivičnom djelu protiv ukupno 115 osoba (108 fizičkih osoba i sedam pravnih osoba) i sedam dopuna izvještaja protiv 33 osobe (31 fizičke osobe i dvije pravne osobe);
- prijavljeno 59 krivičnih djela finansijskog kriminala i korupcije;

3. Neovlašteni promet opojnim drogama:

- rađeno na 51 predmetu od kojih je 15 okončano ili 29%;
- nadležnim tužilaštvima podneseno 17 izvještaja o postojanju osnova sumnje o počinjenom krivičnom djelu protiv 56 fizičkih osoba i jedna dopuna izvještaja protiv pet osoba;
- prijavljeno 19 krivičnih djela u vezi sa neovlaštenim prometom opojnim drogama;

4. Trgovina ljudima i krijumčarenje ljudi:

- rađeno na 33 predmeta od kojih je deset okončano ili 30%;
- nadležnim tužilaštvima podneseno 16 izvještaja o postojanju osnova sumnje o počinjenom krivičnom djelu protiv 47 poznatih osoba i četiri NN osobe i tri dopune izvještaja protiv šest osoba;
- prijavljena 23 krivična djela trgovine ljudima i krijumčarenja ljudi;

5. Nedoizvoljeni promet oružjem i vojnom opremom:

- rađeno na 18 predmeta od kojih su tri okončana ili 17%;
- nadležnim tužilaštvima podneseno 17 izvještaja o postojanju osnova sumnje o počinjenom krivičnom djelu protiv 22 osobe i jedna dopuna izvještaja protiv dvije osobe;
- prijavljena 22 krivična djela u vezi sa nedozvoljenim prometom oružja i vojne opreme;

6. Krivotvorenje isprava:

- rađeno na šest predmeta od kojih su dva okončana ili 33%;
- nadležnim tužilaštvima podneseno pet izvještaja o postojanju osnova sumnje o počinjenom krivičnom djelu protiv pet fizičkih osoba;
- prijavljeno pet krivičnih djela u vezi sa krivotvorenjem isprava;

7. Krivotvorenje novca:

- rađeno na četiri predmeta od kojih su dva okončana ili 50%;
- nadležnim tužilaštvima podnesena jedna dopuna izvještaja protiv jedne osobe;
- prijavljeno jedno krivično djelo krivotvorenje novca;

8. Povreda autorskih prava:

- rađeno na 27 predmeta od kojih je devet okončano ili 33%;
- nadležnim tužilaštvima podnesena su četiri izvještaja o postojanju osnova sumnje o počinjenom krivičnom djelu protiv pet fizičkih osoba;
- prijavljena četiri krivična djela u vezi sa povredom autorskih prava.

9. Pranje novca i finansiranje terorističkih aktivnosti:

- rađeno na 41 predmetu od kojih je jedan okončan ili 2%;
- nadležnim tužilaštvima podneseno je osam izvještaja o postojanju osnova sumnje o počinjenom krivičnom djelu protiv 27 osoba (18 fizičkih osoba i devet pravnih osoba) i dvije dopune izvještaja protiv 32 osobe (14 fizičkih osoba i 18 pravnih osoba);
- prijavljeno 35 krivičnih djela koja su u vezi sa pranjem novca.

10. Ratni zločini i krivična djela kažnjiva po međunarodnom humanitarnom pravu:

- rađeno na 590 predmeta od kojih je 148 okončano ili 25%;
- nadležnim tužilaštvima podnesen je jedan izvještaj o postojanju osnova sumnje o počinjenom krivičnom djelu protiv više NN osoba;
- prijavljena dva krivična djela u vezi sa ratnim zločinima.

11. Ostala krivična djela:

- rađeno na 82 predmeta od kojih su 32 okončana ili 39%;
- nadležnim tužilaštvima podnesena su četiri izvještaja o postojanju osnova sumnje o počinjenom krivičnom djelu protiv pet fizičkih osoba;
- prijavljena 22 krivična djela.

Od ukupnog broja podnesenih izvještaja o postojanju osnova sumnje o počinjenom krivičnom djelu, 12 izvještaja kojima je prijavljeno 108 osoba (102 fizičke osobe i šest pravnih osoba) i šest dopuna izvještaja kojima je prijavljeno 40 osoba, od kojih je 21 fizička osoba i 19 pravnih osoba, podneseni su zbog postojanja osnova sumnje da je počinjeno krivično djelo organizirani kriminal u vezi sa krivičnim djelima finansijskog kriminala i korupcije, trgovinom ljudima, neovlaštenim prometom opojnim drogama i pranjem novca.

Materijalna šteta po budžete u Bosne i Hercegovine identificirana podnesenim izvještajima o postojanju osnova sumnje o počinjenim krivičnim djelima iz oblasti finansijskog kriminala iznosi 3.580.167,76 KM, a nezakonito stečena imovinska korist identificirana izvještajima iznosi 1.347.535,88 KM.

U sklopu istraga krivičnih djela iz nadležnosti Agencije vođene su i tri finansijske istrage. Agencija je prepoznala važnost vođenja ove vrste istraga radi utvrđivanja nezakonito stečene imovine vršenjem krivičnog djela i stvaranja pretpostavki za njeno oduzimanje u sudskom procesu. Ovoj vrsti istraga posvećena je naročita pažnja, te, iako nije formirana posebna unutrašnja organizaciona jedinica koja bi se bavila ovim istragama, izvršena je preraspodjela postojećeg kadra.

Istragama krivičnih djela pranja novca utvrđeno je da je kroz finansijski sistem Bosne i Hercegovine u legalne novčane tokove ubačeno 59.419.391,28 KM nelegalno stečenog novca, dok je pričinjena materijalna šteta od prijavljenih krivičnih djela ukupno iznosila 56.791.027,20 KM, te stečena imovinska korist iznosila je 58.819.709,28 KM.

U okviru kriminalističko-obavještajnog rada rađeno je na ukupno 282 predmeta, od kojih je okončano 178 ili 63%. Tokom obavještajnog rada sačinjeno je ukupno 2358 KOI 4x4, 90 operativnih analiza i 77 profila meta.

U 2018. godini a su 1873 izvještaja o preduzetim mjerama i radnjama, lišeno je slobode 155 osoba, izvršeno je 259 pretresa objekata, saslušano 3.398 svjedoka i ispitano 190 osumnjičenih osoba. Realizirano je 65 operativnih akcija u kojima su privremeno oduzete određene količine droge (38.629 g marihuane – skanka, 3.493,152 g marihuane, 1.565.000 g kanabis sativa, 990 g heroína, 168,648 g kokaina, 2.102 kom. kanabis sativa sjemenki, 2.500 kom. kanabis sativa stabljika, 10.095,02 g amfetamina, 280 kom. i 316 g ekstazi tableta, 49,05 g smjese za miješanje sa spidom), čija se vrijednost procjenjuje na 1.218.350 KM, te je privremeno oduzeta određena količina oružja (27 dugih cijevi, tri kratke cijevi, 3.154 kom. municije raznog kalibra, 37 ručnih bombi, dvije granate, dvije zolje, devet mina i 46 kg eksploziva).

U okviru aktivnosti koje se odnose na posebne istražne radnje, za potrebe Agencije postupano je po 121 naredbi Suda Bosne i Hercegovine, po deset naredbi okružnih sudova, 22 naredbe kantonalnih sudova i devet naredbi Suda Brčko distrikta Bosne i Hercegovine, te po 111 naredbi Tužilaštva Bosne i Hercegovine, dvije naredbe okružnih tužilaštava, 17 naredbi kantonalnih tužilaštava i jednoj naredbi Tužilaštva Brčko distrikta Bosne i Hercegovine. Za potrebe drugih policijskih agencija postupano je po 98 naredbi kantonalnih sudova. U okviru posebnih istražnih radnji provedeno je 878 nadzora i tehničkih snimanja telekomunikacija, tri nadzora i tehnička snimanja prostorija, 90 tajnih praćenja i tehničkih snimanja osoba i predmeta, 26 pružanja podrške prilikom korištenja prikrivenih istražitelja i korištenja informatora, 12 pružanja podrške prilikom simuliranih i kontroliranih otkupa i simuliranih davanja potkupnine, te jedan nadzirani prevoz i isporuka predmeta krivičnog djela.

Na osnovu 243 naredbe i zahtjeva Tužilaštva i Suda Bosne i Hercegovine u okviru proceduralnih mjera zaštite pružene su mjere zaštite i podrške za 184 osobe, u okviru programa zaštite svjedoka pružene su mjere zaštite i podrške za 30 osoba, a na osnovu 29 zahtjeva međunarodnih institucija i stranih država pružene su mjere zaštite i podrške za 13 osoba.

Jedinica za specijalnu podršku imala je 35 operativnih angažiranja, u okviru kojih je lišila slobode 21 osumnjičenu osobu, pružila pomoć prilikom pet pretresa objekata i osam pretresa osoba, prilikom sprovođenja 23 osobe, vršila tri puta obezbjeđenje oduzetih predmeta i pružila pomoć drugim institucijama osam puta. Tokom operativnih angažiranja nije bilo povrijeđenih policijskih službenika Jedinice za specijalnu podršku niti osoba prema kojima su preduzimate mjere, a upotreba sile ocijenjena je kao zakonita i pravilna.

Odjel za unutrašnju kontrolu postupao je po 136 predmeta unutrašnjih istraga, od kojih su okončana 132 ili 97%. U 129 unutrašnjih istraga nisu utvrđeni elementi povrede službene dužnosti policijskih službenika, dok je u dvije unutrašnje istrage utvrđeno činjenično stanje koje ukazuje na postojanje osnovna sumnje da su policijski službenici Agencije počinili lakšu povredu službene dužnosti, što je rezultiralo podnošenjem dva zahtjeva za utvrđivanje disciplinske odgovornosti zbog lakše povrede službene dužnosti protiv dva policijska službenika. U jednoj unutrašnjoj istrazi utvrđeno je činjenično stanje koje ukazuje na postojanje osnovna sumnje da je policijski službenik Agencije počinio težu povredu službene dužnosti, što je rezultiralo podnošenjem zahtjeva za utvrđivanje disciplinske odgovornosti zbog teže povrede službene dužnosti protiv jednog policijskog službenika. U 19 predmeta koji su otvoreni na osnovu predstavki i žalbi građana u devet unutrašnjih istraga nisu utvrđene nezakonitosti niti povrede službene dužnosti od strane policijskih službenika Agencije, dok su u šest predmeta izvršene preliminarne provjere, jer nije bilo elemenata za vođenje unutrašnjih istraga, a u

četiri predmeta se radilo o predstavkama građana na osobe koje nisu zaposlene u Agenciji. U jednom predmetu pokrenut je disciplinski postupak i prekinut do okončanja krivičnog postupaka.

Međuagencijska i međunarodna saradnja

Tokom 2018. godine potpisan je Memorandum o saradnji između Državne agencije za istrage i zaštitu i Uprave za indirektno oporezivanje Bosne i Hercegovine, Memorandum o saradnji sa Federalnom upravom za geodetske i imovinsko-pravne poslove i Sporazum sa Importane centrom.

Ostvarena je dobra međunarodna saradnja na 39 predmeta, od kojih je:

- pet predmeta u vezi sa terorizmom;
- dva predmeta u vezi sa finansijskim kriminalom i korupcijom;
- 18 predmeta u vezi sa neovlaštenim prometom opojnim drogama;
- sedam predmeta u vezi sa trgovinom ljudima i krijumčarenjem ljudi;
- sedam predmeta u vezi sa organiziranim kriminalom.

Od predmeta izdvajamo:

- „CD1/13 OCEANS“ (međunarodna trgovina ljudima i međunarodno vrbovanje radi prostitucije) u kojem je formiran zajednički istražni tim sa policijom Kraljevine Holandije i Republike Austrije i razmjenjivane su informacije;
- „Damask“ (terorizam i krivična djela u vezi sa terorizmom), u kojem je ostvorena saradnja sa nadležnim organima Republike Austrije, Republike Francuske, SR Njemačke, Ambasdom Sjedinjenih Američkih Država u Bosni i Hercegovini i EUFOR-om;
- „Nasljednik“ (organizirani kriminal u vezi sa neovlaštenim prometom opojnim drogama), u kojem je ostvorena saradnja sa MUP-om Republike Austrije i MUP-om Republike Hrvatske, te je provedena operativna akcija u maju 2018. godine u kojoj su lišene slobode tri osobe;
- „Damar“ (organizirani kriminal u vezi sa nedozvoljenim prometom opojnim drogama), u kojem je ostvorena saradnja sa MUP-om Republike Srbije, MUP-om Crne Gore, Policijom Republike Austrije i NCB INTERPOL-om Švajcarske Konfederacije, provedena operativna akcija, lišene slobode tri osobe i otkrivena laboratorija sa vještačkim uslovima za uzgoj marihuane;
- „Albatros“ (krijumčarenje ljudi i organiziranje grupe ili udruženja za izvršenje krivičnog djela krijumčarenje migranata), u kojem je ostvorena saradnja sa MUP-om Republike Srbije, MUP-om Republike Hrvatske i EUROPOL-om, te je kao rezultat saradnje u februaru 2018. godine provedena operativna akcija u kojoj je lišeno slobode 17 osoba;
- „Dim“ (neovlašteni promet opojnim drogama), u kojem je ostvorena saradnja sa PNUSKOK-om Republike Hrvatske. Provedena je operativna akcija u kojoj su lišene slobode tri osobe.

Saradnja je ostvorena sa svim policijskim tijelima u Bosni i Hercegovini, kao i sa Ministarstvom sigurnosti Bosne i Hercegovine, Obavještajno-sigurnosnom agencijom Bosne i Hercegovine, Direkcijom za koordinaciju policijskih tijela Bosne i Hercegovine, Službom za poslove sa strancima, Upravom za indirektno oporezivanje Bosne i Hercegovine i drugim institucijama u Bosni i Hercegovini.

Od predmeta izdvajamo:

- „Damask“, „Strijelac 2” i Strijelac 2/Putnik (terorizam i krivična djela u vezi sa terorizmom), u kojem su razmijenjene operativne informacije i ostvarena saradnja sa svim policijskim tijelima u Bosni i Hercegovini, te sa Obavještajno-bezbjednosnom agencijom Bosne i Hercegovine, Ministarstvom bezbjednosti Bosne i Hercegovine i drugim institucijama u BiH. U predmetu „Damask“ provedena je operativna akcija u saradnji sa MUP-om Tuzlanskog kantona u kojoj je jedna osoba lišena slobode;
- „Akademik“ (organizirani kriminal u vezi sa neovlaštenim prometom opojnim drogama), u kojem je saradnja ostvarena sa Graničnom policijom BiH, MUP-om Republike Srpske i Obavještajno-bezbjednosnom agencijom Bosne i Hercegovine), te su u februaru i aprilu 2018. godine provedene dvije operativne akcije;
- „Albatros“ (krijumčarenje ljudi i organiziranje grupe ili udruženja za izvršenje krivičnog djela krijumčarenje migranata), u kojem je ostvarena saradnja sa MUP-om Kantona Sarajevo, MUP-om Tuzlanskog kantona, MUP-om Srednjobosanskog kantona, MUP-om Unsko-sanskog kantona, MUP-om Republike Srpske, Graničnom policijom Bosne i Hercegovine i Službom za poslove sa strancima. U februaru je realizirana operativna akcija u kojoj je lišeno slobode 17 osoba;
- „Gastarbajter“ (organizirani kriminal u vezi sa neovlaštenim prometom opojnim drogama), u kojem je saradnja ostvarena sa MUP-om Zapadnohercegovačkog kantona, te je u aprilu 2018. godine provedena operativna akcija u kojoj je lišeno slobode deset osumnjičenih osoba;
- „Nasljednik“ (organizirani kriminal u vezi sa neovlaštenom proizvodnjom i stavljanjem u promet opojnih droga), u kojem je ostvarena saradnja sa MUP Republike Srpske i Graničnom policijom Bosne i Hercegovine, te je provedena operativna akcija u kojoj su lišena slobode tri osobe i izvršeno deset pretresa i privremeno oduzeto 15.329 grama marihuane i dr;
- „Petrol Line“ (organizirani kriminal u vezi sa neovlaštenim prometom opojnim drogama), realizirana je operativna akcija u kojoj su pomoć pružili policijski službenici Granične policije Bosne i Hercegovine i MUP-a Hercegovačko-neretvanskog kantona. Privremeno je oduzeto 665 kg nepoznate materije koja svojim izgledom i strukturom asocira na opojnu drogu kanabis sativa;
- „Smart“ (neovlaštena proizvodnja i stavljanje u promet opojnih droga), u kojoj je saradnja ostvarena sa Obavještajno-bezbjednosnom agencijom BiH, MUP-om Zeničko-dobojskog kantona i Graničnom policijom Bosne i Hercegovine. Provedene su dvije operativne akcije u kojima je privremeno oduzeta značajna količina opojnih droga i lišeno slobode pet osoba;
- „Istok“ (krijumčarenje ljudi) u kojoj je saradnja ostvarena sa policijskim službenicima MUP-a Tuzlanskog kantona, MUP-a Republike Srpske, MUP-a Hercegovačko-neretvanskog kantona, MUP-a Kantona Sarajevo, Graničnom policijom Bosne i Hercegovine, te Obavještajno-bezbjednosnom agencijom Bosne i Hercegovine i Službom za poslove sa strancima. Realizirano je osam operativnih akcija sprečavanja krijumčarenja ilegalnih migranata preko teritorije BiH.

Specifičan vid saradnje predstavlja saradnja Finansijsko-obavještajnog odjela koja se odvija u oblasti sprečavanja i istraživanja krivičnih djela pranja novca i finansiranja terorističkih aktivnosti. Saradnja se odvija preko Egmont grupe i u 2018. godini Finansijsko-obavještajni odjel ostvario je saradnju sa 43 države.

Zakonodavna aktivnost

U okviru normativno-pravnih poslova doneseno je sedam normativnih akata Agencije, i to Uputstvo o internim procedurama kretanja stalnih sredstava u Državnoj agenciji za istrage i zaštitu, Pravilnik o korištenju sredstava za reprezentaciju u Državnoj agenciji za istrage i zaštitu, Odluka o listi radnih mjesta odnosno dužnosti za koje je potrebno izdavanje dozvole za pristup tajnim podacima, Pravilnik o izmjeni Pravilnika o uslovima nabavke i načinu

korištenja specijaliziranih službenih vozila u Državnoj agenciji za istrage i zaštitu, Uputstvo o sadržaju sporazuma o provođenju programa zaštite, Uputstvo o pravilima, procedurama i načinu primjene mjera zaštite svjedoka i Instrukcija o načinu finansiranja programa zaštite svjedoka.

Kadrovska popunjenost

Agencija je 31.12.2018. godine imala ukupno 727 zaposlenih, što je 76% u odnosu na broj sistematiziranih radnih mjesta, od čega 517 policijskih službenika ili 76% popunjenih radnih mjesta, 74 državna službenika ili 69% popunjenih radnih mjesta i 136 zaposlenika ili 81% popunjenih radnih mjesta (31.12.2017. godine 710 zaposlenih). Radni odnos u Agenciji zasnovala su 33 policijska službenika, četiri državna službenika i dva zaposlenika, dok je radni odnos prestao za 15 policijskih službenika, tri državna službenika i četiri zaposlenika

Budžetska sredstva

Zakonom o finansiranju institucija Bosne i Hercegovine i međunarodnih obaveza Bosne i Hercegovine za 2018. godinu, koji je usvojen u decembru 2017. godine, Agenciji su odobrena budžetska sredstva u iznosu od 31.509.000,00, KM, od čega za tekuće izdatke 27.314.080 KM i za kapitalne izdatke 1.645.957 KM.

U julu je podnesen zahtjev za prestrukturiranje rashoda Agencije i isti je odobren, te je izvršeno umanjeње pozicija:

- 611200 – naknada troškova zaposlenih za 169.000,00 KM;
- 821300 – nabavka opreme za iznos od 7.000,00 KM;

i izvršeno je uvećanje pozicija:

- 613100 – putni troškovi za 100.000,00 KM;
- 613600 – unajmljivanje imovine i opreme za 61.000,00 KM;
- 613800 – izdaci za osiguranje za 8.000,00 KM;
- 821600 – rekonstrukcija i investiciono održavanje za 7.000,00 KM.

U decembru je podnesen zahtjev za prestrukturisanje rashoda Agencije i odobren za umanjeње pozicija:

- 611200 – naknada troškova zaposlenih za 80.000,00 KM;
- 613700 – izdaci za tekuće održavanje za 60.000,00 KM;

a da se izvrši uvećanje pozicija:

- 613100 – putni troškovi za 80.000,00 KM;
- 613400 – nabavka materijala za 50.000,00 KM;
- 613800 – izdaci za osiguranje i bankarske usluge za 10.000,00 KM.

Izvršenje budžeta sa 31.12.2018. godine je 28.962.857 KM ili 91,91%, od toga za tekuće izdatke 27.316.900 ili 91,63%, dok je izvršenje za kapitalne izdatke 1.645.957 ili 96,80%.

II - IZVJEŠTAJ O PROVOĐENJU AKCIONOG PLANA GODIŠNJEG PROGRAMA RADA DRŽAVNE AGENCIJE ZA ISTRAGE I ZAŠTITU ZA 2018. GODINU												
Opći cilj/principi razvoja: V UPRAVLJANJE U FUNKCIJI RASTA												
Strateški cilj: 14. UBRZATI PROCES TRANZICIJE I IZGRADNJE KAPACITETA												
Srednjoročni cilj: 14.1. UNAPREĐENJE SIGURNOSNOG SEKTORA U BIH SA ASPEKTA ODGOVORNOSTI I EFIKASNOSTI												
Specifični cilj: Unapređenje sistema istraga krivičnih djela, prikupljanja obavještenja i podataka o krivičnim djelima i zaštite svjedoka u postupcima pred Sudom BiH												
Programi, projekti i aktivnosti	Nosilac aktivnosti (organizaciona jedinica)	Pokazatelji					Izvori finansiranja (budžet, krediti, donacije i ostalo)	Troškovi		Izvori finansiranja		Komentar
		Pokazatelj rezultata ili učaja	Jedinica mjerenja (% , broj ili opisno)	Polazna vrijednost(n)	Ciljana vrijednost (n+1)	Ostvarena vrijednost na kraju godine (n+1)		Planirani troškovi	Ostvareni troškovi	Planirani kvartal za provođenje	Kvartal kada je aktivnost provedena	
1	2	3	4	5	6	7	8	9	10	11	12	13
Program 1.1. Prikupljanje obavještenja i podataka, sprečavanje, otkrivanje i istrage krivičnih djela i zaštita svjedoka iz nadležnosti Suda BiH												
Projekat 1.1.1. Istrage krivičnih djela iz nadležnosti Suda BiH												
Aktivnost 1.1.1.1. Provođenje zakonom propisanih aktivnosti, u skladu sa naredbama i zahtjevima Tužilaštva BiH i Suda BiH, na otkrivanju krivičnih djela terorizma i nedozvoljene trgovine ABHO	Kriminalističko-istražni odjel, regionalni uredi Banja Luka, Mostar, Sarajevo i Tuzla	Stepen izvršenih naredbi i zahtjeva Suda BiH i Tužilaštva BiH	%	100	100	100	Budžet	1.335.600	1.218.721	2018.	2018.	Sve naredbe sudova i tužilaštava po ovoj vrsti kriminala su izvršene
Aktivnost 1.1.1.2. Provođenje zakonom propisanih aktivnosti, u skladu sa naredbama i zahtjevima Tužilaštva BiH i Suda BiH, na otkrivanju krivičnih djela organiziranog kriminala, kriminala u vezi sa trgovinom ljudima, opojnim drogama i ostalim krivičnim djelima	Kriminalističko-istražni odjel, regionalni uredi Banja Luka, Mostar, Sarajevo i Tuzla	Stepen izvršenih naredbi i zahtjeva Suda BiH i Tužilaštva BiH	%	100	100	100	Budžet	6.141.000	5.602.529	2018.	2018.	Sve naredbe sudova i tužilaštava po ovoj vrsti kriminala su izvršene
Aktivnost 1.1.1.3. Provođenje zakonom propisanih aktivnosti, u skladu sa naredbama i zahtjevima Tužilaštva BiH i Suda BiH, na otkrivanju krivičnih djela finansijskog kriminala i korupcije	Kriminalističko-istražni odjel, regionalni uredi Banja Luka, Mostar, Sarajevo i Tuzla	Stepen izvršenih naredbi i zahtjeva Suda BiH i Tužilaštva BiH	%	100	100	100	Budžet	2.671.300	2.437.441	2018.	2018.	Sve naredbe sudova i tužilaštava po ovoj vrsti kriminala su izvršene
Aktivnost 1.1.1.4. Provođenje integriranih finansijskih istraga	Kriminalističko-istražni odjel	Procenat otvorenih finansijskih istraga u odnosu na broj pokrenutih	%	100	100	100	Budžet	131.400	119.240	2018.	2018.	Otvorene su finansijske istrage u svim predmetima gdje postoji osnovna sumnje za utvrđivanje koristi proizašle iz izvršenja krivičnog djela
Aktivnost 1.1.1.5. Provođenje zakonom propisanih aktivnosti, u skladu sa naredbama i zahtjevima Tužilaštva BiH i Suda BiH, na otkrivanju krivičnih djela pranja novca i finansiranja terorističkih aktivnosti	Finansijsko-obavještajni odjel	Stepen izvršenih naredbi i zahtjeva Suda BiH i Tužilaštva BiH	%	100	100	100	Budžet	756.900	690.570	2018.	2018.	Sve naredbe sudova i tužilaštava po ovoj vrsti kriminala su izvršene

Aktivnost 1.1.1.6. Provođenje zakonom propisanih aktivnosti, u skladu sa naredbama i zahtjevima Tužilaštva BiH i Suda BiH, na otkrivanju krivičnih djela ratnih zločina i krivičnih djela kažnjivih po međunarodnom humanitarnom pravu	Sektor za istraživanje ratnih zločina i krivičnih djela kažnjivih po međunarodnom humanitarnom pravu i regionalni uredi Banja Luka, Mostar, Sarajevo i Tuzla	Stepen izvršenih naredbi i zahtjeva Suda BiH i Tužilaštva BiH	%	100	100	100	Budžet	3.598.500	3.281.276	2018.	2018.	Sve naredbe sudova i tužilaštava po ovoj vrsti kriminala su izvršene
Aktivnost 1.1.1.7. Operativno angažiranje Jedinice za specijalnu podršku po naredbama direktora SIPA-e	Jedinica za specijalnu podršku	Stepen izvršenih naredbi direktora za operativno angažiranje	%	100	100	100	Budžet	4.974.700	4.622.105	2018.	2018.	Sve naredbe za angažovanje jedinice su uspješno realizovane
Aktivnost 1.1.1.8. Saradnja i razmjena informacija u krivičnim istragama sa policijskim tijelima i ostalim partnerima u zemlji i inostranstvu	Kriminalističko-istražni odjel, regionalni uredi Banja Luka, Mostar, Sarajevo i Tuzla, Sektor za planiranje, analitiku, saradnju i informiranje	Stepen ostvarene saradnje u odnosu na broj zaprimljenih zahtjeva za saradnju	%	100	100	100	Budžet	1.024.400	934.772	2018.	2018.	Odgovoreno je na sve upite domaćih i inostranih partnera za dostavu traženih informacija u skladu sa zakonskom regulativom
Projekat 1.1.2. IBIH-SIPA-2												
Aktivnost 1.1.2.1. Izgradnja objekta za smještaj i obuku Jedinice za specijalnu podršku		Stepen završetka projekta	%		100		Budžet	0	0	2018.	2018.	Komentar je dat u tabeli VI - Izvještaj o realizaciji javnih investicija
Projekat 1.1.3. Prikupljanje i analitička obrada obavještenja i podataka o krivičnim djelima												
Aktivnost 1.1.3.1. Povećati broj i kvalitet prikupljenih informacija i obavještajnih podataka	Kriminalističko-istražni odjel, Finansijsko-obavještajni odjel, Sektor za istraživanje ratnih zločina i krivičnih djela kažnjivih po međunarodnom humanitarnom pravu, regionalni uredi Banja Luka, Mostar, Sarajevo i Tuzla	Broj sačinjenih KOI 4x4	Broj	2500	2550	2784	Budžet	2.180.700	1.989.547	2018.	2018.	Napravljen je kvalitativni i kvantitativni pomak u obavještajnom radu
Aktivnost 1.1.3.2. Povećati broj i kvalitet produkata analitičkog rada	Kriminalističko-istražni odjel, Finansijsko-obavještajni odjel, Sektor za istraživanje ratnih zločina i krivičnih djela kažnjivih po međunarodnom humanitarnom pravu, regionalni uredi Banja Luka, Mostar, Sarajevo i Tuzla	Ukupan broj produkata analitičkog rada	Broj	500	550	614	Budžet	2.402.800	2.192.095	2018.	2018.	Napravljen je kvalitativni i kvantitativni pomak u obavještajnom radu

Projekat 1.1.4. Provođenje posebnih istražnih radnji u otkrivanju najtežih oblika krivičnih djela iz nadležnosti Suda BiH													
Aktivnost 1.1.4.1. Provođenje posebne istražne radnje "Nadzor i tehničko snimanje telekomunikacija" po naredbama Suda BiH	Sektor za operativnu podršku i regionalni uredi Banja Luka, Mostar, Sarajevo i Tuzla	Stepen izvršenih naredbi Suda BiH za provođenje posebne istražne radnje	%	100	100	100	Budžet	1.051.100	953.919	2018.	2018.	Sve naredbe suda za provođenje ove posebne istražne radnje su izvršene	
Aktivnost 1.1.4.2. Provođenje posebne istražne radnje "Nadzor i tehničko snimanje prostorija" po naredbama Suda BiH	Sektor za operativnu podršku	Stepen izvršenih naredbi Suda BiH za provođenje posebne istražne radnje	%	100	100	100	Budžet	1.313.800	1.192.399	2018.	2018.	Sve naredbe suda za provođenje ove posebne istražne radnje su izvršene	
Aktivnost 1.1.4.3. Provođenje posebne istražne radnje "Tajno praćenje i tehničko snimanje osoba, transportnih sredstava i predmeta koji stoje u vezi sa njima" po naredbama Suda BiH	Sektor za operativnu podršku	Stepen izvršenih naredbi Suda BiH za provođenje posebne istražne radnje	%	100	100	100	Budžet	1.313.800	1.192.399	2018.	2018.	Sve naredbe suda za provođenje ove posebne istražne radnje su izvršene	
Aktivnost 1.1.4.4. Provođenje posebnih istražnih radnji "Simulirani i kontrolirani otkup i simulirano davanje potkupnine" i "Korištenje prikrivenih istražitelja i korištenje informatora" po naredbama Suda BiH	Kriminalističko-istražni odjel i regionalni uredi Banja Luka, Mostar, Sarajevo i Tuzla	Stepen izvršenih naredbi Suda BiH za provođenje posebne istražne radnje	%	100	100	100	Budžet	284.000	258.009	2018.	2018.	Sve naredbe suda za provođenje ove posebne istražne radnje su izvršene	
Aktivnost 1.1.4.5. Provođenje posebne istražne radnje "Nadzirani prevoz i isporuka predmeta KD" po naredbama Suda BiH	Sektor za operativnu podršku	Stepen izvršenih naredbi Suda BiH za provođenje posebne istražne radnje	%	100	100	100	Budžet	262.700	238.480	2018.	2018.	Sve naredbe suda za provođenje ove posebne istražne radnje su izvršene	
Projekat 1.1.5. Utvrđivanje zakonitosti u postupanju policijskih službenika SIPA-e i postupanje na zahtjev institucija BiH													
Aktivnost 1.1.5.1. Provesti unutrašnje istrage na osnovu zahtjeva	Odjel za unutrašnju kontrolu	Procenat provedenih unutrašnjih istraga u odnosu na broj pokrenutih	%	100	100	100	Budžet	131.380	119.240	2018.	2018.	Provedene su sve unutrašnje istrage na osnovu zahtjeva po svim osnovama	
Aktivnost 1.1.5.2. Utvrditi zakonitost primjene sredstava prinude od strane policijskih službenika	Odjel za unutrašnju kontrolu	Procenat provedenih istraga u odnosu na broj zahtjeva za utvrđivanje opravdanosti primjene sredstava prinude	%	100	100	100	Budžet	131.380	119.240	2018.	2018.	U svim slučajevima upotrebe sredstava prinude provedene su istrage i utvrđeno da su sredstva prinude krištena u skladu sa zakonom	
Aktivnost 1.1.5.3. Izvršiti sigurnosne provjere po zahtjevima institucija	Odjel za unutrašnju kontrolu	Procenat izvršenih provjera u odnosu na broj zahtjeva	%	100	100	100	Budžet	394.100	357.720	2018.	2018.	Izvršene su provjere po svim zahtjevima institucija u BiH	

Aktivnost 1.1.5.4. Vršiti interni nadzor nad primjenom zakona i podzakonskih akata u radu Agencije	Odjel za unutrašnju kontrolu i Sektor za planiranje, analitiku, saradnju i informiranje	Broj izvršenih unutrašnjih inspekcijskih nadzora	Broj	15	15	15	Budžet	262.760	238.480	2018.	2018.	Izvršeni su inspekcijski nadzori u svim organizacionim jedinicama zaduženim za vođenje evidencija koje sadrže lične podatke
Projekat 1.1.6.. Zaštita svjedoka												
Aktivnost 1.1.6.1. Provesti programe zaštite svjedoka iz BiH po zahtjevima Tužilaštva BiH i Suda BiH	Odjel za zaštitu svjedoka	Procenat provedenih programa zaštite svjedoka u odnosu na broj zahtjeva Suda BiH i Tužilaštva BiH	%	100	100	100	Budžet	408.300	371.065	2018.	2018.	Izvršene su sve naredbe Suda BiH
Aktivnost 1.1.6.2. Provesti programe zaštite svjedoka drugih država	Odjel za zaštitu svjedoka	Procenat provedenih programa zaštite svjedoka u odnosu na broj zahtjeva Suda BiH i Tužilaštva BiH	%	100	100	100	Budžet	408.300	371.065	2018.	2018.	Izvršene su sve naredbe Suda BiH
Aktivnost 1.1.6.3. Postupiti po naredbama Suda BiH i Tužilaštva BiH za provođenje mjera zaštite zaštićenim svjedocima koji svjedoče pred Sudom BiH	Odjel za zaštitu svjedoka	Procenat provedenih mjera zaštite u odnosu na broj naredbi za provođenje mjera zaštite svjedoka	%	100	100	100	Budžet	509.080	462.547	2018.	2018.	Izvršene su sve naredbe Suda BiH

III - IZVJEŠTAJ O IZRAĐENIM ZAKONIMA PLANIRANIM GODIŠNJI PROGRAMOM RADA DRŽAVNE AGENCIJE ZA ISTRAŽE I ZAŠTITU ZA 2018. GODINU

Opći cilj/principi razvoja: V UPRAVLJANJE U FUNKCIJI RASTA

Strateški cilj: 14. UBRZATI PROCES TRANZICIJE I IZGRADNJE KAPACITETA

Srednjoročni cilj: 14.1. UNAPREĐENJE SIGURNOSNOG SEKTORA U BIH S.

Specifični cilj: Unapređenje sistema istraga krivičnih djela, prikupljanja obavještenja i podataka o krivičnim djelima i zaštite svjedoka u postupcima pred Sudom BiH

Naziv zakona	Vrijeme provođenja		Status zakona zaključno sa 31.12. 2018. godine				Komentar
	Planirani kvartal za provođenje	Kvartal kada je aktivnost provedena	Upućen VM BiH (DA/NE)	Usvojen na VMBiH (DA/NE)	Procedura u PS BiH (DA/NE)	Usvojen u PS BiH (DA/NE)	
1	2	3	4	5	6	7	8
-							
-							
-							
-							

IV - IZVJEŠTAJ O IZRAĐENIM PODZAKONSKIM AKATIMA PLANIRANIM GODIŠNJIM PROGRAMOM RADA DRŽAVNE AGENCIJE ZA ISTRAŽE I ZAŠTITU ZA 2018. GODINU

Opći cilj/principi razvoja: V UPRAVLJANJE U FUNKCIJI RASTA

Strateški cilj: 14. UBRZATI PROCES TRANZICIJE I IZGRADNJE KAPACITETA

Srednjoročni cilj: 14.1 UNAPREĐENJE SIGURNOSNOG SEKTORA U BIH SA ASPEKTA ODGOVORNOSTI I EFIKASNOSTI

Specifični cilj: Unapređenje sistema istraga krivičnih djela, prikupljanja obavještenja i podataka o krivičnim djelima i zaštite svjedoka u postupcima pred Sudom BiH

Naziv podzakonskog akta	Vrijeme provođenja		Status podzakonskog akta zaključno sa 31.12. 2018. godine				Komentar
	Planirani kvartal za provođenje aktivnosti	Kvartal kada je aktivnost provedena	Upućen rukovodiocu (DA/NE)	Usvojen od strane rukovodioca (DA/NE)	Upućen VM BiH (DA/NE)	Usvojen na VMBiH (DA/NE)	
1	2	3	4	5	6	7	8
-							
-							
-							

V - IZVJEŠTAJ O IZRAĐENIM MEĐUNARODNIM UGOVORIMA PLANIRANIM GODIŠNJI PROGRAMOM RADA DRŽAVNE AGENCIJE ZA ISTRAŽE I ZAŠTITU ZA 2018. GODINU

Opći cilj/principi razvoja: V UPRAVLJANJE U FUNKCIJI RASTA

Strateški cilj: 14. UBRZATI PROCES TRANZICIJE I IZGRADNJE KAPACITETA

Srednjoročni cilj: 14.1. UNAPREĐENJE SIGURNOSNOG SEKTORA U BIH SA ASPEKTA ODGOVORNOSTI I EFIKASNOSTI

Specifični cilj: Unapređenje sistema istraga krivičnih djela, prikupljanja obavještenja i podataka o krivičnim djelima i zaštite svjedoka u postupcima pred Sudom BiH

Naziv međunarodnog ugovora	Vrijeme provođenja		Status međunarodnog ugovora zaključno sa 31.12. 2018. godine				Komentar
	Planirani kvartal za provođenje	Kvartal kada je aktivnost provedena	Upućen VM BiH (DA/NE)	Usvojen na VMBiH (DA/NE)	Procedura u Predsjedništvu BiH (DA/NE)	Usvojen u Predsjedništvu BiH (DA/NE)	
1	2	3	4	5	6	7	8
-							
-							
-							

VI - IZVJEŠTAJ O REALIZACIJI JAVNIH INVESTICIJA PLANIRANIH GODIŠNJI PROGRAMOM RADA DRŽAVNE AGENCIJE ZA ISTRAGE I ZAŠTITU ZA 2018. GODINU**Opći cilj/principi razvoja: V UPRAVLJANJE U FUNKCIJI RASTA****Strateški cilj: 14. UBRZATI PROCES TRANZICIJE I IZGRADNJE KAPACITETA****Srednjoročni cilj: 14.1. UNAPREĐENJE SIGURNOSNOG SEKTORA U BIH SA ASPEKTA ODGOVORNOSTI I EFIKASNOSTI****Specifični cilj: Unapređenje sistema istraga krivičnih djela, prikupljanja obavještenja i podataka o krivičnim djelima i zaštite svjedoka u postupcima pred Sudom BiH**

Naziv projekta javnih investicija	Vrijeme realizacije		Status (ZA VRŠENO, U POSTUPKU, ODLOŽENO,	Komentar
	Očekivani period realizacije	Završen (DA/NE)		
1	2	3	4	5
1.1. PRIKUPLJANJE OBAVJEŠTENJA I PODATAKA, SPREČAVANJE, OTKRIVANJE I ISTRAGE KRIVIČNIH DJELA IZ NADLEŽNOSTI Suda BiH				
1.1.5. IBIH-SIPA-2				
1.1.5.1. Izgradnja objekta za smještaj i obuku Jedinice za specijalnu podršku	Kraj 2019.	NE	U POSTUPKU	Završene aktivnosti: - nabavljeno građevinsko zemljište; - odobreno idejno rješenje; - u pregovaračkom postupku izabran ponuđač za izradu Glavnog projekta.

VII – IZVJEŠTAJ O PROVEDENIM KONSULTACIJAMA KOD IZRADE GODIŠNJEG IZVJEŠTAJA O RADU

Tokom izrade Izvještaja o radu Državne agencije za istrage i zaštitu za 2018. godinu, vršene su konsultacije sa Ministarstvom sigurnosti BiH, Direkcijom za koordinaciju policijskih tijela BiH, Graničnom policijom BiH, Službom za poslove sa strancima BiH, Agencijom za forenzička ispitivanja i vještačenja BiH, Agencijom za policijsku podršku BiH, Agencijom za školovanje i stručno usavršavanje kadrova i Ministarstvom finansija i trezora BiH. Konsultacije su se odnosile na formalni izgled Izvještaja, izbjegavanje preklapanja nadležnosti i usklađenost sa budžetskim okvirom. Izvještaj o radu Državne agencije za istrage i zaštitu bio je dostupan 14 dana na portalu eKonsultacije, a Izvještaj o provedenim konsultacijama je u prilogu.

DIREKTOR
GLAVNI GENERALNI INSPEKTOR POLICIJE

Perica Stanić